

Sitwasyon sa Republika sa Pilipinas

Gi-update: Hunyo 2026

Ang Piskal batok ni Rodrigo Roa Duterte

ICC-01/21-01/25

Gisuspetsahan kabahin sa mga krimen batok sa katawhan nga pagpatay ug gisulayang pagpatay, nga giingong gibuhay sa Republika sa Pilipinas taliwala sa petsa 1 sa Nobyembre 2011 ug petsa 16 sa Marso 2019. Gitugyan sa kustodiya sa Internasyonal nga Korte alang sa Krimen (ICC) niadtong petsa 12 sa Marso 2025. Ang Pagdungog kabahin sa Kumpirmasyon sa mga pasangil nahitabo sa petsa 23 - 27 sa Pebrero 2026. Gikumpirma ang mga pasangil niadtong petsa 23 sa Abril 2026. Ang pagsugod sa husay gitakda para sa petsa 30 sa Nobyembre 2026.



Rodrigo Roa Duterte

Petsa sa Pagkatawo: petsa 28 sa Marso 1945

Nasyonalidad: pumuluyo sa Republika sa Pilipinas

Mga katungdanan niadtong panahon sa giingong mga krimen: Presidente sa Pilipinas, Alkalde sa Dakbayan sa Davao, Ikaduhang Alkalde sa Dakbayan sa Davao, ug giingong Tigtukod ug Hepe sa Hugpong sa Kamatayon sa Davao "(Davao Death Squad ('DDS'))"

Mandato sa Pagdakop: gipagawas niadtong petsa 7 sa Marso 2025

Gitugyan sa Kustodiya sa ICC: petsa 12 sa Marso 2025

Unang pag-atubang sa Korte: petsa 14 sa Marso 2025

Pagdungog alang sa Kumpirmasyon sa mga pasangil: petsa 23 - 27 sa Pebrero 2026

Desisyon kabahin sa Kumpirmasyon sa mga pasangil: petsa 23 sa Abril 2026

Pagsugod sa husay: gitakda alang sa petsa 30 sa Nobyembre 2026

ANG MGA GIINGONG KRIMEN

- Si Mister Duterte gisuspetsahan kabahin sa 3 ka numero sa krimen batok sa katawhan nga giingong nahimo sa petsa nga dili moubos gikan sa petsa 1 sa Nobyembre 2011 hangtod sa petsa 16 sa Marso 2019 sa Pilipinas:
 - Numero 1: Mga Pagpatay sa o sa palibut sa Dakbayan sa Davao, sa sulod sa panahon sa Pagka-Alkalde pinaagi sa Hugpong sa Kamatayon sa Davao ("Davao Death Squad").
 - Numero 2: Mga Pagpatay sa Pinakaimportanteng mga Gipunturiya sa sulod sa panahon sa Pagka-Presidente.
 - Numero 3: Mga Pagpatay ug gisulayang mga pagpatay nga operasyong pangseguridad sa *barangay* sa sulod sa panahon sa Pagka-Presidente.

Importanteng desisyon ug kalihokan sa hudikatura

PAGSUGOD SA IMBESTIGASYON

Niadtong petsa 24 sa Mayo 2021, ang Opisina sa Piskal sa ICC ("the Prosecution") nihangyo ug pagtugot gikan sa Kamara para magsugod sa imbestigasyon kabahin sa mga krimen nga giingong nahimo sa teritoryo sa Pilipinas sa konteksto nga giyera batok sa droga ("war on drugs") usa ka kampanya nga gilunsad sa Gobyerno sa Pilipinas sa taliwala sa petsa 1 sa Nobyembre 2011 ug petsa 16 sa Marso 2019. Niadtong petsa 14 sa Hunyo 2021, ang hangyo sa Piskal gipahibalo sa publiko. Niadtong petsa 15 sa Setyembre 2021, ang Unang Kamara alang sa mga pagdungog usa mahitabo ang husay ("Pre-Trial Chamber I"), naghatag ug pagtugot para sa imbestigasyon.

Niadtong petsa 18 sa Hulyo 2023, sumala sa hangyo sa awtoridad sa Pilipinas kabahin sa pagpalangan ug temporaryong paghunong sa mga buluhatong imbestigatibo, ang Apela nga Kamara sa ICC, nagpahibalo sa iyahang desisyon nga gikumpirma ang desisyon sa Kamara kabahin sa paghatag ug pagtugot alang sa Prosekusyon para magsugod napod sa imbestigasyon nga adunay kalabutan sa sitwasyon sa Pilipinas.

Ang Pilipinas, usa ka Partidong Estado sa ICC gikan sa petsa 1 sa Nobyembre 2011, nagpasa ug nakasulat nga pahibalo kabahin sa pag-atras gikan sa Balaod niadtong petsa 17 sa Marso 2018. Ilalom sa artikulo 127 sa Balaod, ang epekto sa nianang pag-atras nagsugod niadtong petsa 17 sa Marso 2019. Bisan pa niana, nagpadayon ang hurisdiksyon sa ICC kabahin sa mga krimen nga giingong nabuhat sa Pilipinas sulod sa panahon nga ang nasud usa ka Partidong Estado sa Balaod.

ANG MANDATO SA PAGDAKOP

Niadtong petsa 10 sa Pebrero 2025, nihangyo ang Prosekusyon ug mandato sa pagdakop batok ni Mister Duterte kabahin sa mga krimen nga batok sa katawhan nga pagpatay, pagpa-antus ug pagpanglugos. Pagkahuman sa pagsusi sa materyal nga gipasa pinaagi sa Prosekusyon, nakita sa Unang Kamara alang sa mga pagdungog usa mahitabo ang husay ("Pre-Trial Chamber I"), ang mga makatarunganong basihan aron makatuo nga si Mister Duterte usa ka indibidwal nga manubag isip dili diretsong kasabwat sa krimen nga batok sa katawhan nga pagpatay, nga giingong nabuhat sa Pilipinas taliwala sa petsa 1 sa Nobyembre 2011 ug petsa 16 sa Marso 2019.

Ang mandato sa pagdakop batok ni Mister Duterte gipagawas sa Kamara isip usa ka "Sekreto" niadtong petsa 7 sa Marso 2025 ug gikategoriya napod isip usa ka "Publiko" niadtong petsa 11 sa Marso 2025.

PAGTUGYAN

Niadtong petsa 12 sa Marso 2025, gitugyan si Mister Duterte sa Internasyonal nga Korte alang sa Krimen, pagkahuman nga gidakop sa mga awtoridad sa Republika sa Pilipinas sumala sa mandato sa pagdakop nga gipagawas sa Unang Kamara alang sa mga pagdungog usa mahitabo ang husay ("Pre-Trial Chamber I"). Sa pagkakaran, anaa siya sa kustodiya ng ICC.

UNANG PAG-ATUBANG SA KORTE

Ang unang pag-atubang sa Korte ni Mister Duterte nahitabo niadtong petsa 14 sa Marso 2025 sa atubangan sa Unang Kamara alang sa mga pagdungog usa mahitabo ang husay ("Pre-Trial Chamber I"). Niatubang si Mister Duterte sa pagdungog pinaagi sa "video link" gikan sa ICC Sentro sa Detensyon, sumala sa pagtugot gikan sa Kamara. Gikumpirma sa Kamara ang pagkatawo sa gisuspetsahan ug gisiguro nga klaro ang pagpahibalo sa iyaha kabahin sa mga krimen nga giingong nabuhat niya ug kabahin sa iyahang mga katungod sa ilalom sa Balaod sa Roma sa ICC sa lengguwahe nga iyahang hingpit nga nasabtan ug nasulti.

PAGDUNGOG KABAHAHIN SA KUMPIRMASYON SA MGA KASO

Niadtong petsa 8 sa Setyembre 2025, gipalangan sa Unang Kamara alang sa mga pagdungog usa mahitabo ang husay ("Pre-Trial Chamber I"), ang kabahin sa pagsugod sa pagdungog kabahin sa niining kaso, nga nakaplanong sugdan niadtong petsa 23 sa Setyembre 2025.

Sumala sa hangyo nga gikan sa Depensa ni Mister Duterte kabahin sa walay katapusang panahon sa pagpalangan sa mga pagdungog, nga giingong dili maayo ang sitwasyon sa panglawas ni Mister Duterte para moatubang sa husay, gihatagan ug pagtagad sa kadaghanan sa Kamara nga mas angay ang temporaryong pagpalangan sa pagdungog kabahin sa pagkumpirma sa mga pasangil aron mahatagan ug igo nga panahon alang sa paghimo ug desisyon kabahin sa hangyo ug sa mga adunay kalabutan nga isyu.

Niadtong petsa 26 sa Enero 2026, nakita-an sa Unang Kamara alang sa mga pagdungog usa mahitabo ang husay ("Pre-Trial Chamber I"), nga maayo ang kahimtang sa panglawas ni Mister Rodrigo Roa Duterte para moapil sa mga pagdungog ug mga proseso usa mahitabo ang husay ("Pre-Trial Proceedings") ug gisalikway sa Kamara ang hangyo sa Depensa kabahin sa walay katapusan nga panahon sa pagpalangan. Gihatagan ug pagtagad ang mga adunay kalabutan nga prinsipyong legal, ang pang-medikal nga pagsusi gikan sa tulo ka mga ekspertong medikal ug ang tanan nga adunay kalabutan nga mga panghitabo sa kaso, nakontento ang Kamara nga si Mister Duterte himsog para magamit ang iyahang pangprosesong katungod ug tungod niini, angay siya nga moapil sa mga pagdungog ug mga proseso usa mahitabo ang husay ("Pre-Trial Proceedings"), nga gipadayon sa pagkakaran.

Ang pagdungog kabahin sa kumpirmasyon sa mga pasangil nahitabo gikan sa petsa 23 hangtod sa 27 sa Pebrero 2026. Niadtong petsa 23 sa Abril 2026, ang Unang Kamara alang sa mga pagdungog usa mahitabo ang husay ("Pre-Trial Chamber I"), nagkahiusang gikumpirma ang tanan nga mga pasangil nga gipresentar pinaagi sa Piskal batok ni Rodrigo Roa Duterte ug nagsugo nga ipailalom si Mister Duterte sa husay sa atubangan sa Husay nga Kamara ("Trial Chamber"). Nakit-an sa Unang Kamara alang sa mga pagdungog usa mahitabo ang husay ("Pre-Trial Chamber I") nga adunay igo nga ebidensya aron mopamatuod sa mga hinungdanong basehan aron motuo nga si Mister Duterte adunay kriminal nga tulubagon alang sa tulo ka numero sa krimen batok sa katawhan (pagpatay ug pagsulay sa pagpatay) nga gihimo sa Pilipinas gikan sa dili moubos sa petsa 1 sa Nobyembre 2011 hangtod sa petsa 16 sa Marso 2019 isip dili direktang kauban sa pagbuhat sa krimen, ug / o alang sa pagsugo ug / o pagdani, ug / o sa pagtabang ug pag-aghat aron mabuhay ang mga krimen, sa ilalom sa mga artikulo 25(3)(a), (b) ug (c) sa Balaod sa Roma.

ANG HUSAY

Niadtong petsa 24 sa Abril 2026, ang Pagka-Presidente sa ICC [mihimo ug Husay nga Kamara III](#), para sa pagdumala sa niining kaso. Kini gilangkuban sa Nangulong [Hukom Joanna Korner](#), [Huwes Keebong Paek](#) ug [Huwes Nicolas Guillou](#).

Gitakda ang pagsugod sa husay sa petsa 30 sa Nobyembre 2026. Sa wala pa magsugod ang husay, hisgutan sa Kamara ang tanan nga nagpabilin nga hilisgutan ug ipatuman ang mga kinahanglan nga pamaagi aron mapadali ang patas ug paspas nga pagpadayon sa mga pagdungog ug mga proseso.

PAG-APIL SA MGA BIKTIMA

Gitugutan sa mga Huwes ang 539 ka mga biktima nga moapil alang sa mga pagdungog ug sa mga proseso ("Proceedings"). Sa niining kaso, ang mga Huwes nga gitudlo mao sila si Joel Butuyan ug Gilbert Andres, apil pod si Paolina Massidda sa Opisina sa Pampublikong Magtatambag nga Legal para sa mga Biktima "(the Office of the Public Counsel for Victims ('OPCV'))" isip usa ka hiniusang grupo sa magkakabahing mga legal nga representante alang sa bisan kinsa nga gidawat nga mga biktima.

Komposisyon sa Husay nga Kamara III

Huwes Joanna Korner (Nangulong Huwes)

Huwes Keebong Paek

Huwes Nicolas Guillou

Mga Lehitimong Representante sa mga Biktima

Joel Butuyan

Gilbert Andres

Paolina Massidda

Representasyon sa Opisina sa Piskal

Mame Mandiaye Niang, Ikaduhang Piskal

Depensang Abogado

Peter Haynes KC, Nangulong Abogado

Kate Gibson, Kaubang Abogado